

מִשְׁבֵּת יְהוָה

DISSE<sup>18.</sup>RTATIO THEOLOGICA

SISTENS

OBSERVATIONES QVASDAM CIRCA MODUM  
VERITATES RELIGIONIS CHRISTIANÆ  
PRIMARIAS POPULARITER & PRACTICE  
TRACTANDI.

QUAM

CONS. MAX. VEN. FACULT. THEOL. ABOËNS.

PRÆSIDE

*Mag. GUSTAVO GADOLIN,  
S. S. Theol. Prof. Publ. & Ord. nec non Ord. de S. Wolod.  
Imp. Ross. in IV. Cl. Equite,*

PRO CANDIDATURA THEOLOGICA

*CAROLUS HELENIUS,*

*Phil. Mag. Adj. Past. in Latala.*

PUBLICO OFFERT EXAMINI

In Auditorio Mathem. d. VIII. Dec. MDCCCX

b. a. m. s.

---

ABOÆ, Typis FRENCKELLIANIS.

18.

VIRO

PERQUAM REVERENDO

D:no SIM. HELENIO,

SACELLEANO ECCLESiarum, quæ DEO IN WIRMO, WEHMALais,  
& KARJALA COLLIGUNTUR, MERITISSIMO,

PARENTI INDULGENTISSIMO.

SACRUM

voluit & debuit  
Filius obsequentissimus

CAROLUS HELENIUS.



Ελαττα προς την αινοδομην γενεσθω.

PAULUS.

Quisque Ecclesiae Doctoris munere recte functurus, curae cordique sibi habeat, ut veritates Religionis populariter & practice tractare sciat. Cujus rei necessitate, & ipsa per se fatis manifesta, & hinc ut omni passim tempore haud paucis, ita nostro in primis ævo plurimis perspecta, varie conatos esse, atque hodieum conari viros cordatisimos partes Religionis varias & ad mentis captum & ad sensum animi ac vitæ usum accommodate exponere, notum est, & scripta numero infinita, catechetica, homiletica, ascetica, ceter. testantur. Arduum vero hoc esse negotium, & maxime in capiibos illis, quæ veritates altioris indaginis, præsertim mysteria, continent,

A

nent,

nen, longe difficultissimum, patet, cum quia horum alia vulgi rudioris, alia hominis omnis virium ingenii fines transcendunt, tum quia his supra modum diligenter explicandis, in periculum incurritur, partim ne ab ipsa fidei veritate discedatur, partim nemali studii suspicioni atque sic litibus & disfidiis excitandis, pacique publicae, ubi non toti turbandae, at minuendae tamen, locus detur. Sequitur inde, in omni hac re summa prudentia, & in primis adhibita solerti cautione, ne saltim mali plus quam boni efficiatur, esse versandum. Quod qua ratione optime peragendum nobis videatur, nonnullis disferere nobis proposuimus, specimen aliquod litterarium, miti tuæ, Benevole Lector, censuræ subjiciendum, novi quidem nihil exhibitorum, sed quo studio, vel offici facri id jubente ratione, in Religionem feramur, quadtenuus demonstraturum, edituris.

### §. I.

Ut ordine quodam instituatur & procedat disputatio nostra, primum nobis obvenit solvenda quæstio, qua ratione dogma de Deo Uni-Trino populariter proponi posit & debeat. Scholis igitur tantum fere reservanda nobis videntur symbolica vocabula, Sacri Codicis auctoritate destituta, *Trinitatis & Personarum*, quæ vix dixerim felici studio efficta, quoniam non inserviunt rei, quæ eorum ope explicari

cari debuit, illustrandæ, sed offensionis anam multis dederunt. Quare in vulgari institutione non nisi parcus haec eadem proferenda esse, & in universo hoc dogmate tractando potius acquiescendum simpliciori S:æ S:æ expositioni, eaque omnino diligenter utendum cum censeamus, saltem non frequentissime & sollicitate inculcari illud: *Deum esse unum in substantia, trinum in personis*, & nonnulla non biblica, (genuina scilicet S:æ S:æ lectione sanæ cri-  
feos ope & auxilio eruta & restituta), prorsus evita-  
ri velimus, e.gr. quod ex ore doctorum nondum sa-  
tis maturitate ingenii & munera exercitio provecto-  
rum, male passim prodire experientia novimus au-  
ditores, nim. *Deus Pater, Deus Filius & Deus Spir-  
itus Sanctus*. Pariterque ab altera parte rejiciendæ  
sunt variæ explicationes laudati mysterii, & publicæ  
fidei confessioni repugnantes, nec ulla tenus ex S:a  
S:a defendendæ, ad rationis captum quadantenus nec  
tamen felicissimo ausu conformatæ, quibus plures  
hujus ævi scriptores album adjecisse calculum vi-  
dentur. In quarum explicationum numerum v. gr.  
referenda haec est, cuius vi statui volunt: Deum es-  
se unum in suo subsistendi modo; sed triplici se in  
rerum visibilium natura revelasse & adhuc hodie re-  
velare modo & ratione, primum, ut omnium rerum  
Creatorem optimum ac Conservatorem benignissimum,  
quare Patris in S:a S:a ornatus honore & nomine;  
deinde, ut ad removendas miseras ac æromnas la-

psū generis humanī Servatorem ac Sospitatem ex-optatisimum, unde Filius in oraculis audit divinis; & denique, ut omnium vere credentium & ad salutem æternam sincere adspirantium Adjutorem & Sanctificatorem, quare Spiritus audit Sanctus. Quam rationem rem populariter tractandi, quidam, ut ante jam dictum est, recentioris ævi Auctores probare videntur, qui a Celeb. Dœderlein in Inst. Theol. Christ. ed. Junge Lib. I. Cap. I. Sect. III. §. 116. afferuntur.

Porro ut ad ea veniamus, quæ speciatim eūque Sanctæ Divinitatis Personæ tribui jubet symbolica confessio, in opere creationis describendo caveat sibi Doctor Religionis a subtilitatibus philosophieis, quæ potius noxam quam utilitatem Religioni afferre possint, & summum in eo collocet studium, ut mentes Auditorum a sensibilibus ad res mere intelligibiles cogitandas evitantur, & sublimes atqae Majestate Divina dignas concipient ideas; quem finem sensus communis utique asséqui potest, facta rerum creatarum consideratione, testimonio Scripturæ & exemplis ex historia sacra duétis confirmata & illustrata, & inde elicita notione attributorum divinorum ac ad usum practicum conformata: quam viam plurimi recentiores Theologi populares felicissime incesserunt. Neminem fugit, quam sublimes ideas, quam

quam pios sensus in animis hominum excitet Religio, quando Doctor sciat bene, & ad captum vulgi accommodate, de Dei Omnipotentia Ps. 115:3. Lue. 1: 37., Omnipræsentia Ps. 139: 7. 19. Actoꝝ. 17: 24., Omniscentia Ps. 139: 2. 7. Matth. 6: 4. 6. 18: 20., Bonitate Ps. 145: 2., Sanctitate Ps. 89, & Justitia Rom. 2: 6. 9. 10., ductu clarissimorum S:æ S:æ effatorum loqui, atque inde firmissimis argumentis cuique persuadere, quid sit ei cogitandum? quid agendum?

Ceterum ut hoc, veluti sponte nobis oblata occasione, moneamus, in doctrina de Homine tractanda caute etiam est versandum, ne vires & facultates hominis nimis vel extenuemus vel extollamus; alterutra enim parte peccantes, Religioni atque efficaciam ejus salutiferæ minime consulemus. Notiones insimæ sortis hominum de anima sua rationali peruersæ summo opere sunt emendandæ & perficiendæ, ita ut veras de esentia spirituali soveant ideas, & dignitatem suam præ aliis creatis recte aestimare sciant; de eujus rei utilitate ac necessitate nullus sanus, & in populari Religionis institutione vel aliquantulum versatus Doctor Ecclesiæ dubitabit.

## §. II.

Diligenter observanda esse deinde nobis videntur nonnulla in proponenda doctrina de Christo, hominum

num Redemptore, ejusque beneficiis, nimirum, cui Sacrae Litterae tam perfectiones divinas quam infirmitates humanas adscribentes, b. e. verum Eum esse Deum ac verum Hominem tradentes, Eundem mortem violentam nostri caussa subiisse docent, quod Paulus jam testatur suo tempore Græcis fuisse scandalo & Judæis offensioni 1 Cor. 1: 23. Neque eidem querelæ agendæ locum nostri ævi Hominum indoles occlusit, non mysticum scil. modo & intellectui omni impervium, sed impossibile quid & contradictorum in Religione Christiana, *Deum & Hominem unam constituere personam*, perhibente contineiri, vix sine risu & stupore clamitantium. Quæ maxima mala ut evitentur, necesse est i. institutoris opera ducantur vulgi animi & mentes ad arctos fines considerandos & agnoscendos, viribus naturæ suis præscriptos, ne ad plenam & rectam cogitationem variarum rerum perveniant impedientes; qui ut in causa sunt, cur multa, in rerum natura obvia, a fano nemine tamen neganda, e. gr. animi, siue entis nostri spiritualis, cum corpore organico connexio, ejusque in hoc agendi vis e. s. p. intellectu percipi nequeant, ita mirum nemini videri debet, eosdem efficeret, ut nos ea, extra limites experientiae posita, comprehendere, quibus exhaustur dignitatis notio, haud valeamus; prorsus enim impervestigabilia sunt: unde cum Paulo 1 Tim. 3: 16. non dubitandum, quia pronunciemus, *μεγα εντα μη-*

τηριον, Christum πεφανερωσθαι εν σαρκι. Tuto hinc etiam dictis S:æ S:æ, divina attributâ Christo asferentibus, ac testimonii historiæ evangelicæ invictissimis, Eum miracula & facta supernaturalia edidisse, acquiescendum. Neque tamen abs re est Religio-nis Doctoris, passim quædam de necessitate Divinæ naturæ cum humana in uno Servatore conjungen-dæ disserere, ut in libris nostris catecheticis etiam solet.

Quoniam notio de triplici Christi officio nonni-si difficultime a vulgo concipitur, in primis quia sa-cerdotium, quale Judæis fuit, tale non est apud no-strates, & τὸ propheticum fere sumitur in hodierno sermone alio sensu, quam quo Servatori tribui-tur, artificiosiorem hanc doctrinæ de Jesu meritis ac beneficiis expositionem in populari Religionis insti-tutione haud incommode omitti posse statuentes, clari-s pluviis Theologis suffragamur. Cfr. Dœd. lib. cit.

Aliter vero omnino ferendam esse sententiam, ubi quæritur de Doctoris officio circa explicandum librum symbolicum, cui accepta & probata est illa munera Christi tripliciter spectandi methodus, per se patet.

Multa etiam nimis de magnitudine ac immen-sitate cruciatum Christi, eorumque ratione ad mor-ta-

talium vitia ac scelerá, loqui nobis videntur Religionis Doctores nonnulli, nostro quidem ævo, quod nec seculi nec ecclesiastici ordinis nostri genio vitio vertendum est, rariores, totam cohortem, numero & quantitate infinitam, eorum qui Christo nomen dederunt atque adhuc daturi sunt, non potuisse sustinere pœnas quas Christus solus tulit, atque singula delictorum genera singulis Christi passionibus expiata fuisse, e. gr. gulæ vitia Ejus siti, nuditate Ejus lasciviam, Ipsi⁹ contumelijs arrogantiam omnium e. s. p. asseverantes; quod demonstrationis genus in multis, nec veterum modo, sed & recentiorum homiliis atque aliis ad praxin christianam promovendam tendentibus libris obvenit. Conf. Döderlein Lib. cit. Lib. II. P. II. Cap. II. Sect. I. Loc. I. atque §. 268. obs. Junge. Rejeētis hisce, sufficiat populari Doctori dixisse, Christum, cum in vivis esset, fuisse partipem defectuum ac infirmitatum humanarum Phil. 2: 7. 8; attamen mirabili modo Deo conjunctum Joh. 14: 10. & facultatibus ac perfectionibus gaudentem divinis Joh. 3: 2. ut idoneus ad opus salutis hominum procurandæ sibi demandatum perficiendum esset: doctrinam nempe salutiferam nobis tradendi: cruciatus & perpessiones nobis exemplo & in rebus afflictis solamini, tolerandi: mortem violentam pro nobis subeundi: novum & grave per redditum in vitam edendi argumentum divinæ suæ missionis; & sedes beatas in cœlo recuperandi, ubi curam nunc

nunc agit paternam salutis nostræ & temporalis &  
æternæ.

§. III.

Tertium & ordine Symbolo Apostolico definito ultimum in fidei christianæ articulis locum, doctrina de negotio salutis in homine perficiendo tenet, quod Sacrae Litteræ totum quantum Spiritui Sancto appropriative tribuunt, operanti per fidem, ac quicquid in Christiano veri, recti, boni, beati est, per vim suam efficiendi; unde notiones de actibus Sp. S:ti applicatricis in Oeconomia Salutis utut vere, at vulgo difficiliores tamen, sunt ortæ & compositæ.

Ut veras de gratia Dei salutari, ejusque consequendæ modo, Christiani concipient ideas, & securitati peccatorum obicem ponat Doctor, nolim ego vehementissime & stricte urgeri, hominem spiritualiter esse mortuum, & ut impossibile est mortuo vitam sibi reddere, ita & hominem nihil ad salutem suam conferre posse; nam quomodo hoc asfertum cum experientia enjusvis, certa scil. ut cuique videatur, se libere omnino ad suscipiendas vel bonas vel malas actiones ipsum determinare, arguente, & cum justitia & æquitate Religionis Christianæ præceptorum, quibus injungitur omnibus, ut desistant a malo, pœnitentiam agant, resipiscant, e. f. p., bene con-

B

ci-

ciliari posit ac debeat, ægerrime perspiciunt ru-  
diores & inculti. \*)

Pariter velim parabolam Christi de operariis a-  
liis plus, aliis minus temporis agentibus, sed omni-  
bus

---

\*) Phrases illæ biblicæ: *νεργος εν ταις αραρτιαις και παρα-  
πτωμασι*, και *ζωοποιησεις εν χριστῳ*, Rom. 6: 11. atque  
Eph. 2: 1. bene ab Exegetis hujus ævi celeribus,  
Schleusnero in Lex. ad N. T. & Rosenmüller in Scho-  
liis ad N. T. exponuntur, miser olim propter peccatum,  
ad Hebraismum *תְּנוּמָה לְנֹם* & vitiositatì indulgens, jam  
per Christi Religionem felicitati destinatus ejusque vere  
particeps redditus. — Verum quidem est, vocem illam  
Græcam *νεκρος* eodem modo ac Hebraicum *נֶם* etiam signi-  
ficare debilem s. infirmum ad aliquid agendum boni. Con-  
textus vero Paulinas in citatis aliquaque locis clare docet,  
hominem extra civitatem christianam ignorantia laborare  
salutis per Christianum acquirendæ, (unde *εν σοτιαις* versari  
dicitur Matth. 4: 16. Lue. 1: 79. Joh. 8: 12.) & nullam  
occasionem atque facultatem cognoscendæ & consequen-  
dæ æternæ felicitatis habere Joh. 12: 35. 46. usque dum  
*φωτιφορος ανατελην εν ταις καιροις* 2 Pet. 1: 19.  
ignorantiae tenebras dispellens Matth. 4: 16. h. e. donec  
meliora edocetus & emendatus per Religionem Christianam  
homo, poslit discrimen boni & mali recte facere; quo  
facto *ζωοποιησεις εν χριστῳ* dicitur.

bus tamen parem mercedem accipientibus Matth.  
20: sq. non ita proponi, ut inde quantum necesse  
sit mature resipiscere, nec secure vitam agere per-  
versam, ne forte in seræ pœnitentiae periculum ve-  
niatur, clare satis non intelligatur. \*)

Omissis igitur, non mysticis modo plurimis, quæ  
diu popularibus Religionis Doctoribus placuerunt,  
sed jamdudum explosis, verum divisionibus etiam fa-  
nioribus actuum gratiæ, a Theologia Scholastica pe-  
titis,

---

\*) Parabola hæcce, quam interpretes varie exponunt, no-  
bis ita explicanda videtur, ut cum Patrefamilias, e cons-  
fensu interpretum tam veterum quam recentiorum, Deus,  
& cum Vinea Ecclesia significetur Christiana, primos illos vo-  
catos statuamus esse Judæos, cæteros alias, unam scil.  
post alteram diverso tempore ad Religionem Christianam  
amplectendam invitatas gentes, atque ultimos, eos, qui  
brevi ante finem hujus mundi Fidem Chr. accepturi sunt,  
ut Lux Religionis Christi totum orbem tandem collustret,  
atque Christus in die novissimo fese ut Servatorem ac  
Judicem omnium manifestet, (cfr. quæ in Apocal. Libro  
de victoria Christianismi in Judaismum & Paganismum le-  
guntur.) Murmuratio operariorum etiam optime in Ju-  
dæos quadrat, qui majora præ cæteris gentibus sibi arro-  
gabant jura, Aequitati vero Divinæ repugnare, quod  
eadem sedes beata in futura vita ultimis ac primis Christi  
culturibus adsignanda sit, quis dicet?

titis, finis & consilium missi in mundum Servatoris, planis & differtis verbis ita exponatur, ut inde patet, omnium vere Christianorum in utili ad vitam scientia sibi comparanda & voluntatis, scilicet sensuum & propositorum, emendatione efficienda, ac factorum ratione ad doctrinam eomponenda, operam esse collocandam. Quamobrem sedulo est urgenda necessitas asfensus dictis Dei præbendi, & inde oriundi obsequii, ut fidès salvifica sit. Quare etiam notio Fidei diligentius eodem, quo in N. Testamento obvenit sensu, explicanda est, scilicet ut significet *Studio Religionis Christi discendaræ, observandæ & promovendæ, obsequium erga Jesu doctrinam, conjunctum illud cum firma animi persuasione, fore, ut bona, per Christi mortem parta, a Deo promittente vere sibi contingent,* ut verba Schleusneri in Lex. voc. *Pius* audiunt.

Sed hisce paucis, quæ pro exemplis servire possint observandorum in populari Relig. tractatione, subsistere jubet res domestica.

---